

**ЎЗБЕКИСТОН РЕСПУБЛИКАСИ
ВАЗИРЛАР МАҲКАМАСИНИНГ
ҚАРОРИ**

**2004-2009 йилларда мактаб таълимини ривожлантириш
давлат умуммиллий дастурини амалга ошириш
чора-тадбирлари тўғрисида**

Ўзбекистон Республикаси Президентининг "2004-2009 йилларда Мактаб таълимини ривожлантириш Давлат умуммиллий дастури тўғрисида" 2004 йил 21 майдаги ПФ-3431-сон Фармони бажариш юзасидан ҳамда умумий ўрта таълим тизимини тубдан яхшилаш, энг юксак, замонавий талабларга жавоб берадиган ўқув-моддий базасини ва таълим стандартларини шакллантириш, қишлоқ ва шаҳар мактабларининг моддий базаси ҳамда жиҳозланишидаги тафовутларни босқичма-босқич бартараф этиш асосида болаларни ўқитиш учун тенг шарт-шароитлар яратиш мақсадида Вазирлар Маҳкамаси **ҚАРОР ҚИЛАДИ**:

1. Ўзбекистон Республикаси Президентининг 2004 йил 19 февралдаги Ф-1910-сон фармойиши билан тузилган Махсус комиссия томонидан ишлаб чиқилган 2004-2009 йилларда Мактаб таълимини ривожлантириш Давлат умуммиллий дастурини амалга ошириш тадбирлари 1-иловага мувофиқ маҳқуллансин, унда қуйидагилар назарда тутилади:

умумтаълим мактаблари биноларини ва муҳандислик-коммуникация инфратузилмасини тубдан янгилаш ва капитал реконструкция қилиш;

мактабларни замонавий ўқув ва ўқув-лаборатория ускуналари, компьютер техникаси, дарсликлар ва ўқув-услубий материаллар билан жиҳозлаш;

таълим стандартлари ва ўқув дастурларини такомиллаштириш;

умумтаълим мактабларини малакали педагог кадрлар билан таъминлаш, ўқитувчиларни тайёрлаш, қайта тайёрлаш ва уларнинг малакасини оширишнинг самарали тизимини яратиш, улар меҳнатини рағбатлантиришни кучайтириш;

умумтаълим мактаблари спорт базасини мустаъкамлаш ва уларда спортни ривожлантириш.

2. Қуйидагилар:

бузиб ташланадиган авария ҳолатидаги мактаблар ўрнига янги мактаблар қуриш, мактабларни, шу жумладан бориш қийин бўлган минтақалардаги мактабларни капитал реконструкция қилиш, капитал ва жорий таъмирлаш параметрлари 2 ва 2а-иловаларга мувофиқ;

умумтаълим мактабларининг спорт иншоотларини қуриш ва реконструкция қилиш параметрлари 3-иловага мувофиқ тасдиқлансин.

3. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Ўзбекистон Республикаси Халқ таълими вазирлиги, Иқтисодиёт вазирлиги ва Молия вазирлиги билан биргаликда, ушбу қарорнинг 2-бандида тасдиқланган параметрлардан келиб чиққан ҳолда 2005-2009 йилларда умумтаълим мактабларини тиклашнинг аниқ ҳудудий дастурларини бир ой муддатда ишлаб чиқсинлар ва тасдиқласинлар.

Шу билан бирга, капитал реконструкция қилиш ва капитал таъмирлаш даврида тикланаётган мактаблар ўқувчиларини яқинда жойлашган мактабларга ва бошқа умумтаълим муассасаларига, ўқув жараёнига зарар етказмаган ҳолда вақтинчалик ўтказишнинг аниқ жадвали ва жойлашуви ишлаб чиқилсин.

4. Ўзбекистон Республикаси Иқтисодиёт вазирлиги, Молия вазирлиги, Халқ таълими вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳар йили Инвестиция дастури лойиҳасини ва аниқ рўйхатларни шакллантиришда бузиб ташланадиган мактаблар ўрнига янгидан қуриладиган, капитал реконструкция қилинадиган, капитал ва жорий таъмирланадиган умумтаълим мактаблари сонини ва рўйхатини, ишларни молиялаштириш ҳажмларини белгилаган ҳолда, аниқ кўрсатсинлар. Бунда капитал реконструкция қилинадиган, капитал ва жорий таъмирланадиган мактабларни тиклаш ишларининг бир тоифасидан бошқасига ўтказиш қатъиян тақиқлансин, 2-иловада кўрсатилган параметрларга қатъий риоя қилинсин.

Ўзбекистон Республикаси Президентининг 2004 йил 19 февралдаги Ф-1910-сон фармойиши билан ташкил этилган Махсус комиссияга Ўзбекистон Республикаси Иқтисодиёт вазирлиги, Халқ таълими вазирлиги ва Молия вазирлигининг тақдимномасига биноан тасдиқланган умумий параметрлар доирасида умумтаълим мактабларини қуриш, капитал реконструкция қилиш, капитал ва жорий таъмирлашнинг ҳар йили тасдиқланадиган аниқ рўйхатига ўзгартириш қиритиш ҳуқуқи берилсин.

5. Қуйидагилар:

бузиб ташланадиган мактаб бинолари ўрнига янгиларини қуриш, мактабларни капитал реконструкция қилиш, капитал ва жорий таъмирлаш бўйича чекланган норматив харажатларни ва намунавий лойиҳаларни ишлаб чиқиш бўйича "ЎзшаҳарсозликЛТИ" очик акциядорлик жамияти, "Ўзқишлоқлойиҳа" очик акциядорлик жамияти ҳамда "Ўзмехморқурилишлойиҳа" очик акциядорлик жамияти бош институтлар этиб белгиланганлиги;

кўрсатиб ўтилган лойиҳалаш институтлари томонидан янги қурилиш учун 6 намунавий лойиҳа, капитал реконструкция қилиш учун 51 намунавий лойиҳа, капитал таъмирлаш учун харажатларнинг чекланган нормативлари кўрсатилган лойиҳа ечимларининг 10 та алғбоми, жорий таъмирлаш учун харажатларнинг чекланган нормативлари кўрсатилган лойиҳа ечимларининг 5 та алғбоми, шунингдек умумтаълим мактаблари айрим узеллари ва конструкцияларини мустаъкамлашнинг 220 лойиҳа ечими кўрсатилган намунавий алғбом ишлаб чиқилганлиги;

умумтаълим мактабларини янгидан қуриш юзасидан намунавий лойиҳаларни ишлаб чиқишда ўқувчи ўринларининг чекланган сони шаҳар жойларда 945 ўрин, қишлоқ жойларда - 630 ўрин ва тоғли ҳамда узоқ минтақаларда - 160 ўрингача этиб белгиланганлиги;

мактабларни тиклаш ишларини амалга оширишда намунавий лойиҳаларга ҳамда тасдиқланган қурилиш меҳёрлари ва қоидаларига риоя қилиниши учун жавобгарлик Ўзбекистон Республикаси "Давархитектқурилиш" қўмитасига юкланиши;

тасдиқланган намунавий лойиҳалар ва лойиҳа ечимларини аниқ шароитларга боғлашда улардан четга чиқишга фақат бош лойиҳалаш институтлари билан келишилгандан ва Ўзбекистон Республикаси "Давархитектқурилиш" қўмитаси томонидан тасдиқлангандан кейин йўл қўйилиши маълумот учун қабул қилинсин.

6. Белгилаб қўйилсинки:

янги қурилган ва капитал реконструкция қилинган умумтаълим мактаблари объектларини қабул қилиш тасдиқланган сифат стандартларига ва намунавий лойиҳаларга қатъий риоя қилган ҳолда 4-иловага мувофиқ таркибдаги Давлат комиссияси томонидан амалга оширилади;

архитектура-қурилиш назоратини амалга ошириш ваколати берилган органлар ҳулосаси бўйича аниқланган стандартлар ва намунавий лойиҳалардан четга чиқиш ҳоллари мавжуд бўлганда сифатсиз бажарилган қурилиш-монтаж ва таъмирлаш ишлари қиймати миқдоридаги иш ҳажмлари қурилиш қийматидан чиқарилади ёки камчиликлар айбдор томоннинг маблағлари ҳисобига бартараф этилади.

7. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳузуридаги Ягона буюртмачи хизматларига Ўзбекистон Республикаси "Давархитектқурилиш" кўмитасининг вакиллари 5-иловага мувофиқ бириктириб қўйилсин, уларга олиб борилаётган ишларнинг тасдиқланган намунавий лойиҳаларга, қурилиш меҳёрлари ва қоидаларига мувофиқлиги таъминланиши учун жавобгарлик юклансин.

8. Ўзбекистон Республикаси "Давархитектқурилиш" кўмитаси:

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Ўзбекистон Республикаси Иқтисодиёт вазирлиги, Молия вазирлиги ҳамда Халқ таълими вазирлиги билан биргаликда, бузиб ташланадиган мактаблар ўрнига қуриладиган янги объектларни мактабларни капитал реконструкция қилиш ва капитал таъмирлаш ишларини фойдаланишга тайёр ҳолда бажариш шартларида ҳамда фақат тасдиқланган намунавий лойиҳалар бўйича пудрат танлов савдоларининг ўз вақтида ўтказилишини таъминласин;

мактабларни қуриш, капитал реконструкция қилиш ва таъмирлаш юзасидан буюртмачилар ва пудратчилар ўртасида пудрат шартномалари тузилиши ва шартнома мажбуриятлари бажарилиши устидан доимий мониторинг олиб борсин;

ҳар чоракда Вазирлар Маҳкамасига шартнома мажбуриятлари бажарилиши мониторинги натижалари, лойиҳалаштириш ва қурилиш ишларининг сифати тўғрисида ахборот тақдим этсин.

9. "Давархитектқурилиш" кўмитаси Ўзбекистон Республикаси Халқ таълими вазирлиги, Давлат спорт кўмитаси ҳамда Ўзбекистон Болалар спортини ривожлантириш жамғармаси билан биргаликда:

умумтаълим мактаблари ҳузуридаги спорт иншоотларини лойиҳалаштириш, қуриш ва реконструкция қилиш юзасидан амалдаги норматив ҳужжатларни икки ой муддатда қайта кўриб чиқсин;

умумтаълим мактаблари ҳузуридаги замонавий ва ихчам жисмоний тарбия-спорт комплексининг бир қатор намунавий лойиҳаларини 2004 йил охиригача ишлаб чиқсин ва тасдиқласин;

тасдиқланган кўрсаткичларга мувофиқ, намунавий лойиҳалар асосида ҳар бир қишлоқ мактабида жисмоний тарбия-спорт комплекси барпо этилишини таъминласин.

10. Махсус комиссия (Ш.М.Мирзиёев)га 2004-2009 йилларда Мактаб таълимини ривожлантириш Давлат умуммиллий дастурининг амалга оширилиши юзасидан мунтазам мониторинг олиб бориш юклансин.

Махсус комиссия ҳар йили календарғ йил ва ярим йиллик якунлари бўйича Мактаб таълимини ривожлантириш Давлат умуммиллий дастурининг бажарилиши натижалари тўғрисида Вазирлар Маҳкамаси мажлисларида ахборот берсин.

11. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М.Мирзиёев зиммасига юклансин.

Вазирлар Маҳкамасининг Раиси

И. Каримов

Тошкент ш, 09.07.2004 й.
N 321

Вазирлар Маҳкамасининг
2004 йил 9 июлдаги
321-сон қарорига
1-ИЛОВА

**2004-2009 йилларда Мактаб таълимини ривожлантириш
Давлат умуммиллий дастурини амалга ошириш бўйича
ТАДБИРЛАР**

Т/р	Тадбирлар	Бажариш муддатлар и	Бажариш учун масхуллар
I. Умумтаълим мактабларининг моддий-техника базасини мустаъкамлаш ва ривожлантириш			
1.	Ўқувчиларни яқиндаги мактабларга, бошқа таълим муассасаларига ва ижтимоий соҳа муассасалари биноларига вақтинча кўчириш схемаларини кўрсатган ҳолда бузилиши, капитал реконструкция қилиниши, капитал ёки жорий таъмирланиши керак бўлган ҳар бир мактабнинг жойлашиши харитасини ишлаб чиқишни тугаллаш, бунда уларнинг кўчирилишини ва ишлаб турган мактаблар ўқувчилар контингентини тўғизлаштирилишини тиклаш ишларини ўтказиш муддатлари билан боғлаган, мактабларнинг жойлашиши, таълим олаётганлар сони, машғулотларнинг навбатма-навбатлиги, ўқувчилар ва ўқитувчилар контингентини қайта жойлаштиришнинг мактабдан йироқлигини ҳисобга олган ҳолда тузиш.	бир ҳафта муддатда	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Халқ таълими вазирлиги, Иқтисодиёт вазирлиги
2.	Бузиладиганлари ўрнига янги мактаблар қуриш, капитал реконструкция қилиш, капитал ва жорий таъмирлаш параметрларидан келиб чиқиб жойлашиш хариталари асосида ва ўқувчиларни вақтинча кўчириб жойлаштириш схемасини ҳисобга олган ҳолда ҳар бир объект бўйича тиклаш ишларини бажаришнинг ҳудудий дастурларини ишлаб чиқиш ва тасдиқлаш. Бунда мавжуд умумтаълим мактабларининг моддий-техника базасидан, қурилиши тугалланмаган объектлар ва таълим муассасаларига қўйиладиган	бир ой муддатда	Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, Халқ таълими вазирлиги, Иқтисодиёт вазирлиги, Молия вазирлиги

	талабларга мос бўлган бошқа бинолардан самарали фойдаланишни назарда тутиш.		
3.	Мактабларнинг хатловдан ўтказилиши натижалари асосида фойдаланишдаги мактабларни типлари бўйича тизимга солиш, улар моддий базасининг амалдаги ҳолатини баҳолашнинг сифат ва миқдор мезонларини белгилаш, бунда зарур коммуникациялар, сув, иссиқлик ва мактаб инфратузилмаси мавжудлигига алоҳида эҳтиборни қаратиш.	бир ой муддатда	Давлат архитектура ва қурилиш қўмитаси
4.	Тизимга солиш якунлари бўйича мактабларни капитал ва жорий таъмирлаш бўйича алоҳида вилоят, шаҳар, туман ва қишлоқ жойнинг шароитларига боғлашни ҳисобга олган ҳолда харажатларнинг чекланган нормативларини ишлаб чиқиш.	икки ҳафта муддатда	Давлат архитектура ва қурилиш қўмитаси
5.	Янги мактаблар қуриш ва мактабларни капитал реконструкция қилишнинг намунавий лойиҳаларини жойларга боғлаган, хавфсизлик ва ўқув жараёни талабларига мувофиқликни таъминлаган ҳолда ишлаб чиқиш ишларини якунлаш.	бир ой муддатда	Давлат архитектура ва қурилиш қўмитаси
6.	Амалда фойдаланиш мақсадида намунавий лойиҳалар, капитал ва жорий таъмирлаш учун харажатларнинг чекланган нормативлари кўрсатилган алғомларни тайёрлаш ва нашр этиш.	бир ой муддатда	Давлат архитектура ва қурилиш қўмитаси
7.	Мактабларни капитал реконструкция қилишнинг намунавий лойиҳалари макетлари кўргазмасини ташкил этиш.	2004 йил 20 июлгача	Давлат архитектура ва қурилиш қўмитаси
8.	Мактаб таълимини ривожлантириш дастурини амалга оширишга ихтисослашадиган мавжуд пудрат қурилиш ташкилотлари ва қурилиш индустрияси объектларини хатловдан ўтказишни тугаллаш. Бунда касб-хунар коллежлари ва академик лицейлар қурилишига жалб этилган қурилиш индустрияси корхоналари ва пудрат	икки ҳафта муддатда	Махсус комиссия, Вазирлар Маҳкамаси-нинг Қурилиш, қурилиш материаллари саноати, коммунал хизматлар кўрсатиш ва транспорт комплекси, Ижтимоий комплекси, Давлат архитектура ва қурилиш

	ташкilotларининг қувватидан фойдаланиш.		қўмитаси, "Ўзқурилишматериаллари" компанияси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда
9.	Намунавий лойиҳалар талабларидан келиб чиқиб мактабларни тиклашда фойдаланиш учун мўлжалланган намунавий қурилиш конструкциялари ва узелларини белгиланган тартибда аниқлаш ва тасдиқлаш, уларни экспертизадан ва синовдан ўтказиш, сўнгра уларни ишлаб чиқаришни ташкил этиш.	2004 йил 1 сентябргача	"Ўзқурилишматериаллари" компанияси, Давлат архитектура ва қурилиш қўмитаси, "Ўзстандарт" агентлиги
II. Мактабларни замонавий ўқув-лаборатория ускуналари ва компьютер техникаси билан жиҳозлаш			
1.	Таълим муассасаларининг ягона ахборот маконига интеграцияси чуқурлаштирилишини ҳисобга олган ҳолда замонавий мактабни жиҳозлаш концепциясини ишлаб чиқиш. КОНЦЕПЦИЯ ИШЛАБ ЧИҚИЛГАН ВА ВАЗИРЛИК ТОМОНИДАН ТАСДИҚЛАНГАН <u>Разработчики: Тайлаков Н., Мустапакулов Я.</u> <u>Опубликована в журнале Физика математика ва Информатика 2005 год 2 выпуск.</u>	бир ҳафта муддатда	Халқ таълими вазирлиги, Олий ва ўрта махсус таълим вазирлиги, Ўзбекистон алоқа ва ахборотлаштириш агентлиги, Иқтисодиёт вазирлиги
2.	Академик лицейлар ва касб-ҳунар коллежлари умумтаълим фанлари хоналарининг жиҳозланиши таълили асосида умумтаълим мактабларининг физика, кимё, биология ва информатика хоналарини давлат таълим стандартлари, ўқув режалари ва ўқитиш дастурлари талабларига мувофиқ бўлган замонавий ўқув-лаборатория ускуналари ва компьютер техникаси билан жиҳозлаш нормативларини ишлаб чиқиш ва тасдиқлаш.	икки ҳафта муддатда	Халқ таълими вазирлиги, Олий ва ўрта махсус таълим вазирлигининг Ўрта махсус, касб-ҳунар таълими маркази
3.	Умумтаълим мактабларининг моддий-техника базаси замонавий	бир ой	Халқ таълими вазирлиги, Иқтисодиёт

	ҳолатини хатловдан ўтказишнинг миқдор ва сифат кўрсаткичлари асосида зарур ўқув-лаборатория ускуналари рўйхатини ва молиявий маблағларга бўлган эҳтиёжни аниқлаш.	муддатда	вазирлиги, Молия вазирлиги
4.	Ажратиладиган ўқув-лаборатория ускуналаридан фойдаланиш ва уларни сақлаш тартиби тўғрисидаги низом лойиҳасини ишлаб чиқиш, бунда улардан самарали фойдаланишни ҳамда сақлашнинг таъминланиши учун умумтаълим мактаблари ўқитувчилари ва раҳбарларининг шахсий жавобгарлигини назарда тутиш.	2004 йил 1 август-гача	Халқ таълими вазирлиги, Олий ва ўрта махсус таълим вазирлигининг Ўрта махсус, касб-ҳунар таълими маркази, Адлия вазирлиги
5.	Республиканинг ҳар бир минтақаси бўйича ўқув-лаборатория ускуналарига техник хизмат кўрсатиш ва уларни таъмирлаш бўйича моддий база мавжудлигини, шунингдек тегишли ўқитувчилар билан таъминланганликни ўрганиш.	2004 йил 1 август-гача	Халқ таълими вазирлиги, Олий ва ўрта махсус таълим вазирлигининг Ўрта махсус, касб-ҳунар таълими маркази, Қорақал-поғистон Республикаси Вазирлар Кенгаши, вилоятлар ва Тошкент шаҳар ҳокимликлари
6.	Ажратилаётган ўқув-лаборатория ускуналаридан фойдаланиш бўйича ўқитувчилар малакасини оширишнинг ихтисослаштирилган ўқув дастурларини ишлаб чиқиш.	2004 йил 10 август-гача	Халқ таълими вазирлиги, Олий ва ўрта махсус таълим вазирлигининг Ўрта махсус, касб-ҳунар таълими маркази
7.	Мактабларни тиклаш ишлари муддатлари билан боғлаган ҳолда 2005-2009 йилларда мактабларни замонавий ўқув-лаборатория ускуналари ва компьютер техникаси билан жиҳозлаш дастури лойиҳасини ишлаб чиқиш ва Вазирлар Маҳкамасига киритиш.	2004 йил 20 август-гача	Халқ таълими вазирлиги, Иқтисодиёт вазирлиги, Молия вазирлиги
8.	Академик лицейлар ва касб-ҳунар коллежларини жиҳозлаш тажрибасини ҳисобга олган ҳолда умумтаълим мактаблари учун ўқув-лаборатория ускуналари рўйхатини тайёрлаш ва уларни маҳаллий корхоналарда имкони борича ишлаб чиқаришни ўзлаштириш учун тарқатиш.	икки ҳафта муддатда	Иқтисодиёт вазирлиги, Олий ва ўрта махсус таълим вазирлигининг Ўрта махсус, касб-ҳунар таълими маркази
9.	Тошкент шаҳрида, шунингдек Урганч, Самарқанд ва Фарғона шаҳарларида маҳаллий корхоналарда ишлаб чиқариладиган мактаб	Ҳар йили 1 сентябргач	Иқтисодиёт вазирлиги, Халқ таълими вазирлиги, Товар ишлаб

	парталари, мактаблар учун мебеллар ва бошқа ўқув ускуналари кўргазмаларини ташкил этиш.	а	чиқарувчилар ва тадбиркорлар палатаси, "Ўзкўргазмасавдо"
10.	Ўрта махсус, касб-ҳунар таълими муассасалари учун импорт қилинадиган асбоб-ускуналарни ҳамда ривожланган мамлакатларнинг ўқув юртларида фойдаланиладиган мактаб ускуналарининг истиқболли турларини ҳисобга олган ҳолда мактаб мебеллари ва ўқув-лаборатория ускуналарини ишлаб чиқаришга давлат буюртмасини жойлаштириш учун маҳаллий ишлаб чиқарувчилар ўртасида танлов савдолари ўтказиш.	Ҳар йили 1 октябр-гача	Иқтисодиёт вазирлиги, Молия вазирлиги, Халқ таълими вазирлиги
11.	2005-2009 йилларда мактабларни замонавий ўқув-лаборатория ускуналари ва компьютер техникаси билан жиҳозлаш дастури прогноз кўрсаткичларини ҳисобга олган ҳолда мактаб ва ўқув ускуналарининг аниқ турларини ишлаб чиқаришга давлат буюртмаси дастури лойиҳасини ишлаб чиқиш ва белгиланган тартибда Вазирлар Маҳкамасига киритиш.	2004 йил 20 октябргача	Иқтисодиёт вазирлиги, Халқ таълими вазирлиги, Молия вазирлиги
III. Мактабларни дарсликлар ва ўқув-услубий материаллар билан таъминлаш			
1.	Давлат таълим стандартларини, умумий ўрта таълим ўқув режалари ва дастурларини такомиллаштириш ва босқичма-босқич жорий этиш ишларини тугаллаш, бунда ўқув материални ўзлаштириш билан боғлиқ юкламаларнинг ўқувчиларнинг ёш хусусиятларига ва тиббий нормаларига, шунингдек педагогика юкламалари ва ўқитувчиларга нисбатан малака талабларига мувофиқлигини ўрганишни назарда тутиш.	икки ҳафта муддатда	Халқ таълими вазирлиги
2.	Ўзлуксиз таълим тизими учун янги ўқув дастурлари, дарсликлар ва ўқув қўлланмаларини қайта кўриб чиқиш ва уларнинг янгиларини яратиш бўйича Ҳукумат комиссиясига давлат таълим стандартларини такомиллаштириш ва уларни босқичма-босқич жорий этиш, шунингдек умумий ўрта таълимдан ўрта махсус, касб-ҳунар таълимига аста-секин ўтишни таъминлайдиган ўқув режалари ва дастурлари мазмунини мақбуллаштириш бўйича таклифлар	бир ой муддатда	Халқ таълими вазирлиги

	тақдим этиш.		
3.	Мазмунига кўра такомиллаштирилган давлат таълим стандартлари талабларига ва замонавийлаштирилган ўқув дастурларига мувофиқ бўлган материалларни нашр этишни ва харид қилишни таъминлайдиган дарсликлар ва ўқув-методик адабиётларни яратиш, танлаб олиш, баҳолаш ва тасдиқлашнинг тендер тизимини яратиш.	2004 йил 1 август- гача	Халқ таълими вазирлиги, Матбуот ва ахборот агентлиги, Молия вазирлиги
4.	Мактабларни замонавий компьютер техникаси билан таъминлашни ҳисобга олган ҳолда ахборотлар, интерактив таълим дастурларининг муқобил манбаларини ишлаб чиқаришни ташкил этиш мақсадида мамлакатимиз индустриясининг дастурий маҳсулотларни ишлаб чиқиш ва кўпайтириш бўйича имкониятларини ўрганиш.	2004 йил 1 август- гача	Халқ таълими вазирлиги, Алоқа ва ахборотлаштириш агентлиги
5.	Умумтаълим мактаблари учун дарсликлар ва ўқув-услугий қўлланмалар нашр этиш дастури лойиҳасини ишлаб чиқиш ва Вазирлар Маҳкамасига киритиш.	2004 йил 20 август- гача	Халқ таълими вазирлиги, Матбуот ва ахборот агентлиги, Молия вазирлиги
IV. Умумтаълим мактабларини педагог кадрлар билан таъминлаш, ўқитувчиларни тайёрлаш, қайта тайёрлаш ва уларнинг малакасини ошириш, уларнинг меҳнатини рағбатлантиришни кучайтириш			
1.	Педагогика йўналишидаги олий ўқув юр்தларининг битирувчиларини мақсадли тайёрлаш ва уларни умумтаълим мактабларига, айниқса қишлоқ умумтаълим мактабларига жалб этишнинг таъсирчан механизмининг жорий қилиш тўғрисида таклиф ишлаб чиқиш ва Вазирлар Маҳкамасига киритиш.	бир ой муддатда	Халқ таълими вазирлиги, Олий ва ўрта махсус таълим вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари
2.	Касб малакасининг ҳақиқий даражасини ҳисобга олган ҳолда қайта тайёрлаш ва малака оширишнинг вариатив дастурларини назарда тутган ҳолда педагог кадрлар малакасини ошириш тизимини такомиллаштириш.	2004 йил 1 сентябргач а	Халқ таълими вазирлиги, Олий ва ўрта махсус таълим вазирлиги

3.	2004/2005 ўқув йилида ўқитувчилар ва методистлар меҳнатини, уларнинг ўқув-тарбия жараёнидаги шахсий ҳиссасини ҳисобга олган ҳолда рағбатлантириш бўйича эксперимент ўтказиш тўғрисида Ҳукумат қарори лойиҳасини тайёрлаш ва Вазирлар Маҳкамасига киритиш, Умумтаълим мактаблари ўқитувчиларининг тариф ставкасига устамалар белгилаш тўғрисида Вақтинчалик низомни ишлаб чиқиш.	икки ҳафта муддатда	Халқ таълими вазирлиги, Олий ва ўрта махсус таълим вазирлиги, Меҳнат ва аҳолини ижтимоий муҳофаза қилиш вазирлиги, Молия вазирлиги
4.	Ўқитувчиларнинг август конференцияларида ўқитувчилар меҳнатига ҳақ тўлашнинг тармоқ сеткасига ўтиш хусусиятларининг кенг муҳокамасини ташкил этиш.	2004 йил 1 сентябргач а	Халқ таълими вазирлиги, Меҳнат ва аҳолини ижтимоий муҳофаза қилиш вазирлиги, Молия вазирлиги, "Ўзтелерадио" компанияси
5.	Таълим тизими ходимлари меҳнатига ҳақ тўлаш бўйича тармоқ тариф сеткасига ўтиш механизмини ишлаб чиқиш.	2004 йил 10 сентябргач а	Меҳнат ва аҳолини ижтимоий муҳофаза қилиш вазирлиги, Молия вазирлиги, Халқ таълими вазирлиги, Олий ва ўрта махсус таълим вазирлиги
6.	Муҳокама натижаларини ҳисобга олган ҳолда, таълим тизими ходимлари меҳнатига ҳақ тўлаш бўйича тармоқ сеткасига ўтиш механизми бўйича таклифлар тайёрлаш ва Вазирлар Маҳкамасига киритиш.	2004 йил 20 сентябргач а	Олий ва ўрта махсус таълим вазирлиги, Меҳнат ва аҳолини ижтимоий муҳофаза қилиш вазирлиги, Молия вазирлиги, Халқ таълими вазирлиги

Вазирлар Маҳкамасининг
2004 йил 9 июлдаги
321-сон қарорига
2-ИЛОВА

**2004-2009 йилларда бузиб ташланадиган умумтаълим мактаблари
ўрнига янги мактаблар қуриш, уларни капитал реконструкция
қилиш, капитал ва жорий таъмирлашнинг
АСОСИЙ ПАРАМЕТРЛАРИ**

Т/ р	Худудлар номи	Ҳаммаси	шу жумладан йиллар бўйича:					
			2004	2005	2006	2007	2008	2009
		мактаблар сони/қуввати (ўқувчилар ўрни)						
11	Тошкент вилояти	775 321 821	63 42 391	90 34 433	126 50 510	152 63 862	166 63 348	178 67 277
	янги қурилиш	38 16 279	0 0	3 1 285	5 2 140	8 3 428	10 4 284	12 5 142
	капитал реконструкция қилиш	290 106 950		39 14 362	56 20 674	61 22 458	66 24 364	68 25 092
	капитал таъмирлаш	362 198 592	56 42 391	37 18 786	50 27 696	67 37 976	73 34 700	79 37 043
	жорий таъмирлаш	85	7	11	15	16	17	19

15	Республика муассасалари	5 2 720	0 0	2 720	2 880	0 0	0 0	1 1 120
	янги қурилиш	4 1 600		2 720	2 880			
	капитал реконструкция қилиш	1 1 120		0	0	0	0	1 1 120
	капитал таъмирлаш	0 0						
	жорий таъмирлаш	0	0	0	0	0	0	0
16	Ж А М И	8 476 2 888 311	638 303 338	1 097 327 688	1 317 420 021	1 651 566 890	1 869 626 426	1 904 643 948
	Бузилганлар ўрнига янги қурилиш	325 115 043	26 6 850	53 17 652	61 22 487	60 22 570	64 23 875	61 21 609
	капитал реконструкция қилиш	2 313 780 391	8 2 560	284 90 137	382 124 873	490 166 667	558 191 474	591 204 680
	капитал таъмирлаш	3 769 1 992 877	430 293 928	438 219 899	530 272 661	729 377 653	817 411 077	825 417 659
	жорий таъмирлаш	2 069	174	322	344	372	430	427